



Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 79 (12.390)

Баҳоси эркин нарҳда

ПОЙТАХТНИНГ БИР КУНИ



ҚУЛАЙ БИЗНЕС МУҲИТИНИ ШАКЛЛАНТИРИШ ЙЎЛИДА

Шаҳримиздаги «Ўзкўргазмасавдо» кўргазма марказида навбатдаги Тошкент ҳудудий Саноат ярмаркаси ва Кооперация биржаси ўтказилди.

Шуни алоҳида таъкидлаш жоизки, Тошкент ҳудудий Саноат ярмаркаси ва Кооперация биржаси ишларокчилари сони йилдан йилга ортиб бормоқда. Ушбу тадбирларни ташкил этишдан кўзланган асосий мақсад маҳаллий ишлаб чиқариш имкониятларидан самарали фойдаланишни йўлга қўйишдан иборат. Зеро, ишлаб чиқариш қувватларининг ошиши ички бозорда маҳаллий маҳсулотлар улушининг ўсиши ва валюта ресурсларини тежашга сабаб бўлади. Бу эса юртимизда аҳоли бандлигини оширишга, давлат бюджетининг даромад манбалари кенгайишига ва ижтимоий барқарорликнинг янада мустаҳкамлашига хизмат қилади. Кооперация биржаси корхона ва ташкилотлар ўртасида ҳамкорликни ривожлантириш механизмларидан бири саналади.

Саноат салоҳиятини янада ривожлантириш, импорт ўрнини босувчи маҳсулотлар ишлаб чиқариш ҳажмларини ошириш, корхоналар ўртасида кооперация алоқаларини кенгайтириш мақсадида ҳамда Ўзбекистон Республикаси Президентининг 2007 йил 12 ноябрдаги «Ички тармоқ ва тармоқларо саноат кооперациясини янада кўчатириш чора-тадбирлари тўғрисида»ги Фармонига мувофиқ республикамизнинг бошқа ҳудудлари сингари Тошкент шаҳрида ҳам Саноат ярмаркалари ва Кооперация биржалари ўтказилмоқда. Ярмарка-биржанинг иш жараёнида шаҳар корхона ва ташкилотлари нафақат ўз маҳсулотларини намойиш этишлари мумкин, шунингдек, уларнинг техника ва ишлаб чиқариш янгилликлари, республика иқтисодийнинг барча соҳаларида корхоналар томонидан эришилган

ютуқлар билан танишиш имконияти яратилган. Таъкидлаш жоизки, ярмарка-биржада ишлаб чиқаришнинг моддий-техника ресурслари, асбоб-ускуналар, бутловчи ва эҳтиёт қисмлар билан таъминлаш бўйича тўғридан-тўғри шартномалар тузиш учун барча шароитлар жамғурилган.

Тошкент шаҳар ҳудудий Саноат ярмаркаси ва Кооперация биржасида пойтахтимиз туманларидан йигирма учта саноат тармоқларига тегишли 240 дан зиёд корхоналар қатнашмоқда, — дейди Тошкент шаҳар Иқтисодийёт бош бoshқармасининг маҳаллийлаштириш ва экспортни ривожлантириш бўлими бошлиғи Хайрулла Умаров. — Бугун улар томонидан ишлаб чиқарилган техник йўналишга оид ва кенг турдаги истеъмол моллари ҳам намойиш этилмоқда. Мазкур тадбир ишлаб чиқариш субъектлари учун катта имкониятлар яратади. Улар кўргазма орқали ўз маҳсулотларини намойиш қилиш билан бирга янги шериклар, топши, шартномалар имзолаш ва соҳадаги янгилликлар билан танишишлари мумкин.

(Давоми 2-бетда)

Жаҳоннинг кўпгина мамлакатларида кузатилаётгани сингари Ҳиндистон оммавий ахборот воситалари ҳам Ўзбекистоннинг ижтимоий-иқтисодий тараққиёти мавзусига тез-тез мурожаат қилмоқда. Яқинда «Sarkaritel» ахборот-таҳлил порталида юртимизда ҳаётта изчил татбиқ этилаётган «Обод турмуш йили» Давлат дастури мавзусига бағишланган «Халқ фаровонлигини юксалтиришга қаратилган дастур» сарлавҳали мақола эълон қилинди.

«SARKARITEL» «ОБОД ТУРМУШ ЙИЛИ» ДАВЛАТ ДАСТУРИ ҲАҚИДА

Унда аҳоли фаровонлиги ва даромадларини муттасил юксалтириб бориш, ёшларни иш билан таъминлаш, кичик бизнес ва хусусий тадбиркорлик ҳамда фермерликни янада ривожлантириш, аҳолининг ижтимоий ҳимояга муҳтож қатламларига давлат томонидан аниқ мақсадга йўналтирилган ёрдам кўрсатиш тизимини янада такомиллаштириш «Обод турмуш йили» Давлат дастурининг муҳим йўналишлари эканлиги алоҳида қайд этилади.

«Sarkaritel» республикамизда меҳнат бозорини тажрибали мутахассислар билан таъминлаш мақсадида касб-хунар коллежлари ва иқтисодийёт субъектлари ўртасида ўзаро ҳамкорликни ривожлантириш юзасидан олиб борилаётган кенг қўламли ишларни юқори баҳолайди. Мақолада қайд этилганидек, «Амалга оширилган чора-тадбирлар натижасида 2012 йили коллежларни тугатган 450 миң нафардан ортиқ битирувчи иш билан таъминланиб, уларнинг аксарияти ўзлари ишлаб чиқариш амалиётини ўтаган корхоналарга ишга жойлашди. Шунингдек, ҳар бир вилоят, шаҳар ва туманларда мунтазам ўтказилаётган бўш иш ўринлари ярмаркалари ҳам аҳоли бандлигини таъминлашда муҳим ўрин тутаяптир.»

«Иш ўринларини ташкил қилишда, биринчи навбатда, турли тармоқларни қамраб олган дастурларни амалга ошириш, корхоналарни модернизация қилиш ва те-

хнологик янгилаш, ишлаб чиқаришни маҳаллийлаштириш, қишлоқ ҳўжалиги маҳсулотларини қайта ишлашни чуқурлаштириш, транспорт ва коммуникация қурилишини, ижтимоий ва бозор инфратузилмасини жадал ривожлантириш, ободонлаштириш ишларини кенгайтириш масалаларига алоҳида эътибор қаратилмоқда», деб ёзади «Sarkaritel».

Мақолада қайд этилишича, қишлоқ аҳолисини боддорчилик фаолиятига янада кенгрок жалб этиш, узумлиқ, чорвачилик ва ипакчилик сингари тармоқларни ривожлантириш ҳам аҳоли бандлигининг таъминланиши ҳамда даромадларининг юксалишига хизмат қилаётир. «Обод турмуш йили» Давлат дастури доирасида, муаллиф маълум қилганидек, «қишлоқ ҳўжалиги маҳсулотларини қайта ишлаш ва озиқ-овқат товарлари ишлаб чиқаришни кўпайтириш мақсадида янгидан янги корхоналарни барпо этиш, мавжудларини реконструкция ва модернизация қилиш бўйича қатор лойиҳаларни амалга ошириш кўзда тутилган.»

«Ушбу Давлат дастури доирасида амалга оширилаётган чора-тадбирлар Ўзбекистон халқининг турмуш шароитини янада яхшилаш, фаровон, тинч ва осойишта ҳаёт кечиришини таъминлашдек улук мақсад йўлидаги яна бир муҳим қадамдир», — дея таъкидлайди «Sarkaritel».

«Жаҳон» АА Дехли



МАМЛАКАТИМИЗДА

● Бухорода Ўзбекистон Республикаси Давлат солиқ кўмитаси, Олий ва ўрта махсус таълим, Халқ таълими ва зирликлари ҳамкорлигида анъанавий тарзда ўтказиб келинаётган «Солиқ билимлари – болаларга» республика кўрик-танловининг вилоят босқичи якунланди.

● Урганч шаҳрида Ўзбекистон Республикаси Вазирлар Маҳкамаси ҳузурларидаги Фан ва технологияларни ривожлантиришни мувофиқлаштириш кўмитаси ва Хоразм вилояти ҳокимлиги ҳамкорлигида инновацион гоёлар, технологиялар ва лойиҳалар ярмаркаси ташкил этилиб, унинг доирасида бир қатор тадбирлар бўлиб ўтди.

● Қарши шаҳрида «Ўзбекистон маданияти ва санъати форуми» жамғармаси, Республика «Аёллар кенгаши» жамоат бирлашмаси, «Хаёт учун!» кўкрак беши саратони миллий уюшмаси, «Келажак овози» ёшлар ташаббуслари маркази ҳамкорлигида «Биз – бир жамоа, биз – бир оиламиз» акцияси ўтказилди.

● Нукус шаҳридаги «Версаль» тантаналар саройида «Ўзбекистон ижтимоий масъулияти фуқаролари форуми» нодавлат нотижорат ташкилоти, «Меҳр нури» жамғармаси ва «Келажак овози» ёшлар ташаббуслари маркази ҳамкорлигида кам таъминланган, боқувчисини йўқотган оилаларни ижтимоий қўллаб-қувватлашга бағишланган хайрия тадбири ўтказилди.

● Амударё туманидаги «Ергулобод» фермер ҳўжалиги жамоаси сутни қайта ишлаш корхонасини ишга туширди. Бунинг учун банкнинг 170 миллион сўмлик кредитидан фойдаланилди. Айни пайтда корхонада кунига бир тоннадан зиёд сут қайта ишланиб, қадокланган сут, қатик, қаймоқ, сузма, пишлок, бризза каби сутли маҳсулотлар ички бозорга етказиб берилмоқда.

ЖАҲОНДА

● Иқтисодий ҳамкорлик ва тараққиёт ташкилотининг маълум қилишича, Норвегия ва Ирландия бугунги кунда меҳнат унумдорлигига эришишда жаҳонда етакчи ўринларда бормоқда. Яъни, норвегияликлар бир соатда ялпи ички маҳсулотни 88,4 долларга бойитар экан. Люксембургликлар ўз ялпи ички маҳсулотига — 75 доллар ҳисса кўша, французларда бу кўрсаткич 66, АКШда — 61, Канадада эса — 50 долларга тенг экан.

● Япон ошпазлик коллежи ўқувчилари дунёдаги энг узун рулетни тайёрлашди. Ушбу рулетнинг узунлиги 130 метру 68 сантиметрни ташкил этиб, бўлажак ошпазларга уни тайёрлаш учун 54 килограмм ун, 43 килограмм шакар ҳамда 2682 дона тухум керак бўлди. 9 нафар талаба бу ширинликни тайёрлашга бир неча кун давомида қилган тинимсиз меҳнатлари орқали эришди. Ушбу гаройиб рулет «Гиннеснинг рекордлар китоби»дан ўрин олди.

● Велоспорт тарихида Олимпиадаларда энг кўп — олтин олтин медални кўлга киритган, Буюк Британия тарихида энг кучли велоспортчи ҳисобланмиш 37 ёшли Крис Хой спортдаги ўз фаолиятини якунлашини маълум қилди.

● Уэльснинг Рексен графлигида жойлашган Понтфадок қишлоғида кучли шамолнинг 1200 ёшли дуб дарахтини қулатиши маҳаллий аҳоли дилига анча озор етказди. Маҳаллий кенгаш вакилининг таъкидлашича, қалинлиги 12,9 метрни ташкил этувчи ушбу дубни сақлаб қолиб, кўргазма сифатида намойиш этиш режалаштирилмоқда.

VI Инновацион гоёлар, технологиялар ва лойиҳалар республика ярмаркаси олдидан САМАРАЛИ ВА ҚИЗИҚАРЛИ ИХТИРОЛАР

Президентимиз Ислон Каримов ташаббуси билан ўтказиб келинаётган анъанавий Республика инновацион гоёлар, технологиялар ва лойиҳалар ярмаркаси илм-фан ва ишлаб чиқариш интеграциясини мустаҳкамлашда муҳим омил бўлмоқда. Давлатимиз раҳбарининг 2008 йил 15 июлда қабул қилинган «Инновацион лойиҳалар ва технологияларни ишлаб чиқаришга татбиқ этишни рағбатлантириш борасидаги қўшимча чора-тадбирлар тўғрисида»ги Қарори бунда муҳим дастуруламал бўлаётир.

Олиб борилган фундаментал тадқиқотларнинг натижаларига кўра, сўнгги йилларда илмий жамоа фармацевтика саноати учун бир қатор ишланмалар, замонавий тиббиёт учун зарур дори воситаларини яратди. Улардан бири пахта чигитини зичлаш йўли билан олинган госсипол препарати бўлиб, турли касаллик вируслари ва бактерияларига қарши курашининг асосий таъсир воситасидир. Госсиполни кимёвий модификациялаш ёрдамида вирусли гепатитнинг В, С, D кўришилларини

даволаш учун қўлланилган «Рагосин», хламидияга қарши «Гозалидон» таблеткалари, герпесга қарши «Мегосин» суртмаси, тананинг турли касалликларга қарши курашувчанлигини таъминловчи «Тимоптин», қон кетишини тўхтатувчи «Лагоден» инъекцияси ҳамда ультратовуш ташхиси учун суриладиган гел яратилди. Уларни «Ўзфарманоат» давлат акциядорлик компанияси корхоналари кенг миқёсда ишлаб чиқармоқда.

(Давоми 2-бетда)

ҚИСҚА САТРАДАРДА

Тошкент шаҳар ҳокимлигининг Ахборот хизмати ва ўз муҳбирларимиз хабарларидан.

✓ **БУГУН** Ўзбекистон Бадий академиясида «Обод турмуш йили»-га бағишланган «Тасвирий санъат

фестивали» очилди.

✓ **БУГУН** «Ўзбектелеком» акциядорлик компаниясининг Тошкент шаҳар телефон тармоғида

«Ўзбекистон — улкан имкониятлар мамлақати» мавзусида маънавий тадбир бўлиб ўтди.

✓ **ЭРТАГА** Ҳамза туманидаги

«Тенгдош» маданият уйида у-шу спорт мактабининг 8-13 ёшли қатнашчилари ўртасида «Спорт билан дўстлашамиз» мавзусида спорт мусобақаси ўтказилади.

